


ЧУЛЫМ ЛУДШЫЕН

Васильев Сергей Васильевичым (снимкыште) чўчкыдынак Арын книгагудышто ужаш лиеш. Тудо у газетым да журналым шергалеш, книгам налын лудеш. Поснак сар нерген лудаш йўрата, да такланак огыл: ачажат неле сар корнылам эртен.

Сергей Васильевич 1937 ийыште идым тылзын кудымшо кечынже Чодыраялеш шочын. Тудын деч посна ешыштышт эше кум икшыве кушкын. Кугу Ачамланде сар ийлаште кугу ешлан шуко неле-йўсым ужашыже пернен: кочкашат лийын огыл, колхоз пасуштат лым лийде тыршенит, изирак йоча-влак уржавуйымат погеныт. Но, туге гынат, еште чумырген, книгам лудаш пеш

йўратеныт, поснак телым. Лудшаш корнылам керосин лампе тул волгалтарен.

1956-1959 ийлаште Сергей Васильевич Германийыште салтак порысым шуктен, автомашинам виктарен. Арми деч вара ўдырым налын, Роза пелашыже дене кум эргым пырля ончен куштеныт, суртымат чаплым нўлтеныт. Тудо нылле ий утла Чавайн лўмеш колхозышто машинам вўден. Тракторышкат шинчашыже логалын. Але кандашлу ийыш шушашыж годымат колхозын вольык комплексшыкыже ачалкалыме сомылым шукташ полшаш ўжыт ыле. Лач кок эргыштын ўмырышт веле кўчык лийын: вийвал пўрєен лиймек, илыш дене чеверласеныт.



Кызыт Сергей Васильевичын ик эргыже Самара олаште ила, ик уныкаже уло. Пўрымаш тыгай...

Шкетын кодынам манын, пўрєен иканат вуйым сакен ок шинче: эре ен коклаште, книгагудышто. Тўжвал тўсшым ончалын, кыч-куч ошкыл колтымыжым ужат да 86 ийым Сергей Васильевичлан нигузеат от пу.

Кузе тыге, манын йодмылан, шыргыжалын вашешта:

- Тарванылза! Аракам ида йў, тамакым ида шупш! А эше: лудса книгам, тудо илаш туныкта.

Кугу ийготан лудшыеным колыштман!

Александр СЕМЁНОВ,
Арын книгагудым вуйлатыше